



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

II. Capitula edita in palatio Ticinensi.

urn:nbn:de:hbz:466:1-22974

fuerit quod hæc facinora exerceat, si adhuc prolatum est, cum duodecim se purget. Si autem in aliquo manifestatus aut deprehensus est, statim capiat & distringatur, & damnationem legibus præfixam sustineat. Vbicunque verò siue manentes siue vagantes latrones comprehendere publici muneris administrator voluerit, & ille se defensare conatus fuerit, si inter hæc fortè eundem latronem occidi contigerit, nulla is qui eum occidit damnatione multetur, neque ullas inimicitias à parentibus aut ullam persecutionem ab ullo ejus amico vel propinquo sustineat. Quod si aliquis ejus senior aut propinquus propter hoc vindictam facere conatus fuerit, & judex publicus eum comescere non potuerit, per fidejussores idoneos talis persona ad nostram deducatur præsentiam, ut complices & fautores sceleratorum nostra animadversione plectantur. Vbicunque autem fama est tales habitare, inquisitio per sacramentum per omnem populum circa manentem fiat, & cujuscunque gentis aut conditionis fuerit, per quos hoc inquiri melius potuerit, jusjurandum dare, cum à Comite conventus fuerit, recusandi non habeat potestatem.

IV.

Sed & hoc pervenit ad notitiam no-

stram, quod quando potentes & honorati, siue ecclesiastici, siue seculares, ad nos veniunt, à populo, in quorum domibus mansiones accipiunt, suis usibus fuorumque equorum necessaria per vim tollant, & hac occasione populus noster affligatur. Idcirco præcipimus ut nullus fidelis noster, quicumque ad nostram præsentiam properat, nihil in veniendo aut revertendo ab aliquo violenter tollat, sed suis hominibus & equis, nisi fortè ab amicis stipendia acceperit, ab hospitibus suis pretio justo comparet. Nam quicumque hujus mali famam habuerit, cum ad nos venerit, veracem hominem volumus ut det qui pro suis omnibus juret nihil eos in itinere tulisse. Et si fortè in aliquo se suosque obnoxios recognoscit, donec idoneum hominem qui juret, aut cuncta restituat his à quibus abstulisse visus est.

V.

Hoc etiam multorum querelis ad nos delatum, quod potentes & honorati viri locis quibus conversantur minorem populum depopulentur & opprimant, eorum prata depascant, mansionem etiam contra voluntatem privatorum hominem siue pauperum domibus suis *Cetera desunt.*

TITVLVS II.

SIVE

CAPITVLA EDITA ANNO DCCCLIV.

IN PALATIO TICINENSI.

IN nomine sanctæ & individue Trinitatis, incarnationis Domini nostri Iesu Christi anno DCCCLIV. anni imperij Domini Hludovici Imperatoris augusti VI. Indictione IV. dum conventum fidelium nostrorum palatio nostro Ticinæ civitatis convocaretur, & simul eorum & nostrorum nobilium consultu non solum ecclesiasticam utilitatem & populi salvationem, sed etiam totius regni statum perquirere studeremus, inter reliqua populus noster nobis quasdam petitiones obtulit, quas nos Dei amore & eorum fidelitate ducti libenter suscepimus, atque ideo subter annotata capitula ad eorum utilitatem subscribi fecimus, quas in futuro pro lege tenenda firmamus.

Lib. 1. leg.
Longob. tit.
6. c. 2.

DE feminis quas defunctis viris lex Longobardorum prohibet ante anni spatium vestem religionis mutare, velumque suscipere, petierunt ut nostra licentia eis mox dum divina pietas inspiraverit, eas indemnes licere suscipere. Nos autem ejus considerantes quia præterito tempore pro ipsa dilatione multæ etiam raptæ intra eundem spatium ad aliam partem distractæ fuerunt, ideo & earum petitionem, quam justam censuimus, suscepimus, & eis ita fieri concedimus.

I I.

Nostræ majestati reclamaverunt patres nostri vel nostri super eas superfluas factas inquisitiones. Ideo eis concedimus ab hinc in futurum nullas alias super eos fieri inquisitiones nisi unde Karoli proavi & avi nostri tempore factæ fuerunt.

I I I.

Lib. 1. leg.
Longob. tit.
44. c. 4.

Deliberis hominibus qui super alterius res resident, & usque nunc à ministris reipublicæ contra legem ad placita protrahantur, & ideo pignorabantur, constitu-

tum est ut secundum legem patroni eorum eos ad placitum adducant. Et si quis eos contra hanc nostram auctoritatem & eorum legem pignorare aut distringere præsumpserit, patrono ejus omnia cum lege emendet, & insuper pro præsumptione bannum nostrum componat.

I V.

De homicidio, unde lex pro simplicitate probationem trium testium querit, & testes habere non potuerit, concedimus ut cum duodecim juratoribus juret, ab eadem simplicitate absolutus proprium non amittat.

V.

De chartis quæ à quibusdam personis falsæ appellantur constituimus ut si Notarius superfuerit & testes qui eam veram & idoneam faciant, & si testes mortui fuerint, & Notarius superfuerit, cum duodecim juratoribus veram & idoneam eam faciat. Concessas denique petitiones vestras consideravimus etiam ea quæ ad nos inpridem pervenerunt, ad referendas malorum insidiationes iisdem adjungere capitulis.

TITVLVS III.

S I V E

CAPITVLARE INTERROGATIONIS
AD EPISCOPOS.

Datum, ut videtur, anno Christi DCCCLV.

*Capitula quæ gloriosus Imperator Hludouvicus suis Episcopis
de statu sui regni considerare præcepit.*

DE conversatione Episcoporum, Presbyterorum, & ceterorum Clericorum, de doctrina & prædicatione in populo, de conscriptione librorum, de restauratione Ecclesiarum, de ordinatione plebium & xenodochiorum, de monasteriis virorum seu feminarum quæ secundum regulam sancti Benedicti, vel ea quæ secundum canonicam auctoritatem disposita esse debent, quicquid in præfatis ordinibus extra ordinem est, aut per negligentiam præpositorum, aut per desidiam subditorum, vehementer cupio scire, & secundum

dei voluntatem vestrumque sanctum consilium sic emendare desidero ut in conspectu Dei nec ego reprobus sim, neque vos & populus in commissis iram suæ indignationis incurrat. Quomodo autem istud rationabiliter quaesitum & inventum perficiatur, vobis hoc ad tractandum ac nobis renuntiandum committimus. De minoribus quoque causis, quæ generaliter omnes, specialiter aliquos tangunt, & indigent emendatione, volumus ut posthac illas quaeratis, & ad nostram notitiam reducat; sicut est de Comitibus